



Programa d'identificacion genetica



Programa d'identificacion genetica

Donades de contacte deth Departament d'Ahèrs Exteriors
Sosdireccion Generau de Memòria, Patz e Drets Umans
C. Rivadeneyra, 6, 10n estatge – 08002 Barcelona
Telefòn: (+34) 93 634 74 23 (entà consultes o entà demanar cita per auança)
Adreça electronica: identificaciogenetica@gencat.cat
<http://exteriors.gencat.cat/identificaciogenetica>

Eth Programa d'identificacion Genetica des persones desapareishudes pendent era Guèrra Civi e era dictadura franquista qu'ei ua iniciatiua coordinada e promoiguda peth Departament d'Ahèrs Exteriors, Relacions Institucionaus e Transparéncia, en colaboracion damb eth Departament de Salut e eth Departament de Justícia de la Generalitat de Catalunya (Govèrn de Catalonha).

Eth programa qu'a tres tòques:

- Crear ua basa de donades des **perfils genetics des familhaus de desapareishudi** dera Guèrra Civi e era dictadura franquista.
- Crear ua basa de donades des **perfils genetics extrèti des rèstes umanes de persones desapareishudes** pendent era Guèrra Civi e era dictadura franquista.
- Crotzar era informacion des dues bases de donades entà sajar establir-i relacions de parentat e, donques, determinar identificacions personaus.

Quini son es passi entà accedir ath Programa?

- 1 Inscríuer's en Recensament de parents de persones desapareishudes (exterior.gencat.cat/identificaciogenetica). Damb era informacion deth Recensament se hè ua recèrca exhaustiva d'informacion damb era tòca de determinar es circumstàncies e eth lòc d'inumacion dera persona desapareishuda.
- 2 Eth Departament d'Ahèrs e Exteriors qu'enviarà as parents o as persones sollicitaires ua prumèra circulara damb informacion sus era creacion deth Programa.
- 3 Es parents o es persones sollicitaires qu'arreceberàn de manèra escalonada e individualizada, en tot seguir critèris d'edat e d'antiquitat en Recensament, ua dusau comunicacion a on s'aufrirà era possibilitat d'amiar a tèrme es pròves genetics. Era letra que contierà eth contacte deth servici de programacion restacat damb eth laboratòri genetic der Espitau dera Val d'Hebron deth Departament de Salut.

Era extraccion dera mòstra genetica serà gratuita e consistirà en un fretadís bucau, qu'ei un procediment indolòr e rapid.

- 4 Eth Departament d'Ahèrs Exteriors que harà era analisi des rèstes des uassi exumades; er Institut de Medicina Legau e Sciéncias medicolegaus de Catalonha (IMLCFC) que realitzarà er arrepòrt antropologic e medicolegau des rèstes.
- 5 Es dues bases de donades (era deth perfil genetic des rèstes umanes e era deth perfil genetic des parents dera persona desapareishuda) se crotzaràn alavetz entà trobar-ne eventuaus connexions.
- 6 Era comunicacion des resultats positius que la harà era Direccion Generau de Relacions Institucionaus e damb eth Parlament, que tanben harà era foncion d'acompanhament en procès posterior.

SOLLICITAIRE/A



Inscripcion deth sollicitaire en Recensament de parents de persones desapareishudes



Realizacion der estudi genetic des sollicitaires (mòstres de fretadís bucau) en centres sanitaris de pertot eth territòri catalan



Enviament e tractament des mòstres genetics des sollicitaires



Basa de donades deth perfil genetic des parents dera persona desapareishuda



Crotzament des bases de donades



Bases de donades deth perfil genetic des rèstes umanes

RÈSTES DE UASSI EXUMADES



Realizacion der arrepòrt antropologic e medicolegau des rèstes



Realizacion der estudi genetic des rèstes



Enviament e tractament des mòstres genetics des rèstes



En cas positiu: Autrejament, jos peticion des familhes, des rèstes umanes, objèctes mòbles e er arrepòrt deth procès.

En cas negatiu: reinumacion e dignificacion des rèstes umanes.